



# Hörgársveit

# Fréttabréf

23. september 2014 5. árgangur 11. tölublað

## LÓN

### Auglýsing um skipulagslýsingu

Unnið er að gerð deiliskipulags fyrir Lón, þ.e. land sláturhúss og kjötvinnslu B. Jensen ehf. og íbúðarhúss að Lóni, sbr. skipulagslög nr. 123/2010.

Tekin hefur verið saman lýsing á skipulagsverkefninu þar sem m.a. koma fram forsendur væntanlegs deiliskipulags. Lýst er fyrirhuguðu skipulagsferli og hvernig kynningu og samráði gagnvart íbúum og öðrum hagsmunaaðilum verði háttað við skipulagsgerðina.

Lýsingin liggur frammi á skrifstofu sveitarfélagsins í Þelamerkurskóla og er einnig á heimasíðu sveitarfélagsins: [www.horgarsveit.is](http://www.horgarsveit.is)

## Söfnun á úrgangstimbri og brotajárni verður 7.-9. október

Dagana 7.-9. október fer fram söfnun á úrgangstimbri og brotajárni. Þeir sem vilja losna við timburafganga og járnarusl þurfa að láta vita í síma 860 6846 fyrir kl. 16:00 3. október.

Nauðsynlegt er að auðvelt sé að komast að timbrinu með vörubíl og að búið sé að safna því saman á einn stað á hverju býli eða við hverja lóð.

Athugið að ekki má blanda þessum úrgangstegundum saman, né annan úrgang, s.s. óflokkaðan úrgang.

**Skrifstofa sveitarfélagsins verður lokuð 1. október 2014**  
vegna vinnu við aðalrafmagnstöflu Þelamerkurskóla

**Hörgársveit**

**Sími:** 460 1750

**Netfang:** [horgarsveit@horgarsveit.is](mailto:horgarsveit@horgarsveit.is)

**Póstfang:** Þelamerkurskóli, 601 Akureyri

**Veffang:** [www.horgarsveit.is](http://www.horgarsveit.is)

# Údráttur úr fundargerð sveitarstjórnar

Fundur nr. 50 18. september 2014

Mætt voru: Axel Grettisson, Ásrún Árnadóttir, Jóhanna María Oddsdóttir, Jón Þór Benediktsson og María Albína Tryggvadóttir

## **1. Aðalskipulag Hörgársveitar 2012-2024, auglýsing tillögu**

Á fundi sveitarstjórnar 29. júní 2014 var frestað afgreiðslu á tillögu skipulags- og umhverfisnefndar um svar við bréfi, dags. 18. júní 2014, frá umhverfis- og auðlindaráðuneytinu og um að fyrirbyggjandi tillaga að aðalskipulagi sveitarfélagsins verði auglýst. Skipulags- og umhverfisnefnd leggur til við sveitarstjórn, sbr. fundargerð nefndarinnar 10. september 2014, að frestað verði að auglýsa fyrirbyggjandi tillögu að aðalskipulagi á meðan kannað verði hvort viðkomandi hagsmunaaðilar komist að niðurstöðu um málefni Blöndulínu 3 í tillögunni, þó ekki lengur en til 10. janúar 2015.

*Sveitarstjórn samþykkti tillögu skipulags- og umhverfisnefndar um að beiðni um heimild ráðherra til að fresta ákvörðun um málefni Blöndulínu 3 í tillögu að aðalskipulagi sveitarfélagsins verði dregin til baka. Jafnframt samþykkti sveitarstjórnin tillögu skipulags- og umhverfisnefndar um að framkvæmd á samþykkt hennar frá 25. júní 2014 um auglýsingu á fyrirbyggjandi tillögu að aðalskipulagi sveitarfélagsins verði frestað til 10. janúar 2015 og að tíminn verði nýttur til að ná niðurstöðu hagsmunaaðila um framsetningu á flutningsleiðum raforku í tillögunni. Sveitarstjórn samþykkti að stefnt verði fyrsta fundi um málið fyrir 10. október 2014.*

## **2. Fundargerð skipulags- og umhverfisnefndar 10. september 2014**

Fundargerðin er í átta liðum. Þar eru tvær tillögur til sveitarstjórnar, um stöðu skipulagsfulltrúa og um aðalskipulag Hörgársveitar 2012-2024, sem var til afgreiðslu í fyrsta dagskrárlið þessa fundar. Ennfremur er í fundargerðinni fjallað um fjárhagsramma nefndarinnar vegna fjárhagsáætlunargerðar fyrir árið 2015, um lýsingu vegna deiliskipulags sem snýr að stækkun sláturhúss að Lóni, um deiliskipulag á Hjalteyri, um Flokkun Eyjafjörður ehf., um dag íslenskrar náttúru og um varðveislu landbúnaðarlands. Á fundinum var lagt fram bréf, dags. 4. september 2014 frá landeigendum á lagnaleið Blöndulínu 3 um Hörgársveit um tillögu að nýju aðalskipulagi vegna flutningsleiða raforku um Hörgársveit.

*Sveitarstjórn samþykkti tillögu skipulags- og umhverfisnefndar um að áfram verði unnið að því að setja á fót embætti skipulags- og byggingarfulltrúa fyrir Eyjafjarðarsveit, Grýtubakkahrepp, Hörgársveit og Svalbarðsstrandahrepp. Að öðru leyti gefur fundargerðin ekki tilefni til annarrar ályktunar af hálfu sveitarstjórnarinnar en þeirrar sem fram kemur í 1. lið þessarar fundargerðar.*

## **3. Fundargerð félagsmála- og jafnréttisnefndar 11. september 2014**

Fundargerðin er í fjórum liðum, um bréf Jafnréttisstofu um skyldur sveitarfélaga skv. jafnréttislögum, um 100 ára afmæli kosningaréttar kvenna á Íslandi, um landsfund jafnréttisnefnda 2014 og um fjárhagsramma 2015.

*Fundargerðin gefur ekki tilefni til ályktunar af hálfu sveitarstjórnarinnar.*

#### **4. Fundargerð fræðslunefndar 12. ágúst 2014**

Fundargerðin er í tveimur liðum. Þar eru gerðar tillögur til sveitarstjórnar, annars vegar um breytingu á fjárhagsramma nefndarinnar fyrir árið 2015 og hins vegar um að ráðinn verði starfsmaður í leikskólann til viðbótar þeim starfsmönnum sem þar eru nú.

*Sveitarstjórn samþykkti tillögu fræðslunefndar um að ráðinn verði starfsmaður í 100% starf í Álfasteini til loka skólaársins.*

#### **5. Fjárhagsrammar 2015, endurskoðun**

Rætt um endurskoðun á fjárhagsrömmum vegna fjárhagsáætlunargerðar fyrir árið 2015, m.a. í ljósi samþykktar fræðslunefndar 15. september 2014 um að fyrirbyggjandi fjárhagsrammi nefndarinnar rúmi ekki óbreytta starfsemi skólanna í sveitarfélaginu.

*Sveitarstjórn samþykkti að endurskoða fyrirbyggjandi fjárhagsramma félagsmála- og jafnréttisnefndar, fræðslunefndar og skipulags- og umhverfisnefndar fyrir árið 2015, þannig að þeir verði sem hér segir: Félagsmála- og jafnréttisnefnd 25,0 millj. kr., fræðslunefnd 220,0 millj. kr., skipulags- og umhverfisnefnd 17,0 millj. kr.*

#### **6. Heimavistarálma þelamerkurskóla, ráðstöfun**

Rætt um hugsanlega ráðstöfun á heimavistarálmu þelamerkurskóla eftir að afnotum skólans á henni lýkur.

*Sveitarstjórn samþykkti að auglýst verði eftir samstarfsaðila um breytta nýtingu á heimavistarálmu þelamerkurskóla með breytt eignarhald á henni í huga, sbr. umræður á fundinum.*

#### **7. Fornhagi, landskipti**

Lögð fram afstöðumynd sem sýnir afmörkun tveggja landspildna, hvor um sig 10.335 m<sup>2</sup>, sem fyrirhugað er að taka undan jörðinni Fornhaga. Óskað er eftir umsögn um landskiptin, sbr. 13. gr. jarðalaga nr. 81/2004.

*Sveitarstjórn samþykkti fyrir sitt leyti þau landskipti í Fornhaga sem lýst er í framlögðum gögnum.*

#### **8. Neðri-Rauðilækur, landskipti**

Lögð fram afstöðumynd sem sýnir afmörkun á landspildu, 38,5 ha að stærð, sem fyrirhugað er að taka undan jörðinni Neðri-Rauðalæk. Óskað er eftir umsögn um landskiptin, sbr. 13. gr. jarðalaga nr. 81/2004.

*Sveitarstjórn samþykkti fyrir sitt leyti þau landskipti á Neðri-Rauðalæk, sem lýst er í framlögðum gögnum.*

#### **9. Hjalteyri ehf., samningur um framkvæmdastjórn og húsvörslu**

Lögt fram drög að samningi milli sveitarfélagsins og Hjalteyrar ehf. um framkvæmdastjórn félagsins og húsvörslu vegna fasteigna þess.

*Sveitarstjórn samþykkti fyrir sitt leyti framlögð drög að samningi milli sveitarfélagsins og Hjalteyrar ehf. um framkvæmdastjórn félagsins og húsvörslu vegna fasteigna þess.*

**10. Hjalteyri, aðstaða fyrir stýrishús**

Lagt fram tölvubréf, dags. 27. ágúst 2014, frá Víði Björnssyni þar sem óskað er eftir breytingu á áður samþykktri tímabundinni staðsetningu stýrishúss á Hjalteyri.

*Sveitarstjórn samþykkti að hafnað verði framkominni ósk um breytta staðsetningu stýrishúss á Hjalteyri og jafnframt hafnaði sveitarstjórnin því sem landeigandi að stöðuleyfi fyrir stýrishúsið verði framlengt.*

**11. Arnarnes, umsögn um umsókn um breytingu á rekstrarleyfi**

Lagt fram tölvubréf, dags. 28. ágúst 2014, frá Sýslumanninum á Akureyri þar sem óskað er eftir umsögn um umsókn um breytingu á rekstrarleyfi skv. gististaðaflokki I í Arnarnesi.

*Sveitarstjórn samþykkti að af hálfu sveitarfélagsins verði ekki gerð athugasemd við að rekstrarleyfi í gististaðaflokki I fyrir Arnarnes verði breytt skv. framlögðum gögnum.*

**12. Hraun í Öxnadal ehf., aðalfundarboð**

Lagt fram aðalfundarboð Hrauns í Öxnadal ehf. Aðalfundurinn verður 23. október 2014.

*Sveitarstjórn samþykkti að Axel Grettisson fari með atkvæði sveitarfélagsins á aðalfundi Hrauns í Öxnadal ehf. 23. október 2014.*

**13. Umhverfis- og auðlindaráðuneytið, drög að nýrri reglugerð um starfsemi slökkviliða**

Lagt fram til kynningar bréf, dags. 1. september 2014, frá umhverfis- og auðlindaráðuneytinu um drög að nýrri reglugerð um starfsemi slökkviliða.

**14. Sókn lögmansstofa, kynning**

Lagt fram til kynningar bréf, dags. 2. september 2014, frá Sókn lögmansstofu sem er kynning á innheimtustarfi lögmansstofunnar.

**Næsti fundur sveitarstjórnar verður 16. október í  
Pelamerkurskóla**

Dagskrá hans mun birtast á [www.horgarsveit.is](http://www.horgarsveit.is) 14. október

**Hefur þú áhuga á spennandi verkefni í stuðningsþjónustu?**

Fjölskyldudeild Akureyrar óskar eftir fjölskyldum á Eyjafjarðarsvæðinu sem hafa áhuga á að taka að sér hlutverk stuðningsfjölskyldu fyrir fötluð börn á aldrinum 2 til 16 ára, eina til tvær helgar í mánuði.

Hlutverk stuðningsfjölskyldunnar er að bjóða barninu þátttöku í eigin heimilislífi á dvalartímanum, örva það, leiðbeina því og gefa því kost á jákvæðri reynslu.

Umsóknareyðublöð liggja frammi á afgreiðslu fjölskyldudeildar, Glerárgötu 26, 3. hæð, Akureyri.

Allar nánari upplýsingar veita Fanney og Karólína í síma 460 1420.